

دار القلم بالقاهرة
١٩٦٤

كلمات حاملة

شعر يصلح للغناء

حسام الدين محمد

اليوم التاسع / عام

أعزى هذا الكتاب كتابات عالية كرسها للثناء

ولا تنسى أنه منقول من كتابك وسكر

عبد المبرك
١١/٩/٢٠٠٠

٢٥٤٧٨٨ / ٢
١٠/١١٩٠٥٤٢ / ٢

﴿إهداء﴾

إلى معلمي وأستاذي

وكل من علمني حرفاً

أهدي هذا الكتاب

حسام الدين محمد

الحلم المصري

أنا بحلم ببليدي دايماً عمار
أرضها كلها ميه وخضار
بحلم ببليدي مصر شعار
وبحلم كل يوم أشوف مينا ومطار
وأشوف كمان سفينة وقطار
وأنا بحلم أنا بحلم
بحلم كل يوم جديد أشوف شىء جديد
حتى لو فكرة علشان بكرة السعيد
وأنا بحلم
نبنى بيها آماننا ونحقق بيها أحلامنا
ونعيش باقي أيامنا وما حدش يقف قدامنا
وأنا بحلم
بحلم كل يوم في بلدي عمل وكفاح
بحلم كل ليلة في بلدي سهر حتى الصباح
ونحقق الفرحة بعد نجاح

وأنا بحلم

بحلم بالإنسان المصري روح وعقل عصري
سابق أيامه ومحقق أحلامه
ويفرح أنه تولد مصري
وأنا بحلم

* * *

أنتي الملكة

أنتي الملكة وأحنا خدامك	مانقدرش يوم نقف قدامك
أنتي الأم وأحنا ولادك	وأنتي الأيام وأحنا شبابك
وأنتي الملكة	يابلدی یا مصر
أنتي الملكة وأكبر بكثير	العالم كله ليكي أسير
عزة وكرامة وحلم كبير	وكل واحد من ولادك أمير
وأنتي الملكة	يابلدی یا مصر
أنتي الملكة ليينا كلنا	حالفين لنفجر كل يوم قنا
ونعمر أراضيكی	ونزرع صحاريكي حب وهنا
وأنتي الملكة	يابلدی یا مصر
أنتي بس شاوری	وقولي كده
تلاقينا جنبك	نكيد العدا
وأنتي الملكة	يابلدی یا مصر
أنتي الملكة	وأحنا حراس على بابك
وآي خطر نمحيه من قدامك	وفي لمح البصر نخفيه

وأنتي الملكة	وأحنا خدامك
أنتي أجمل بلد	في الكون
وأنتي آمان لكل الناس	وعلم وفنون
وأنتي دائما في القلب	وجوه العيون
وأنتي الملكة	يا بلدي يا مصر
رايتك بيضا عالية	في السما قبه
عنوان السلام ومجمعة	دايما الأحبا
وأنتي الملكة	يا بلدي يا مصر
وأحنا بره	كلنا سفرائك
بنحكى عن تاريخك	وبنعبر عن آرائك
وأنتي الملكة	يا بلدى يا مصر

* * *

رومانسي

أنت أكثر واحد في العالم منسى
وموش عارف على آي بر ترسى
لأنك أكثر واحد في العالم رومانسي
آه يا رومانسي

يقولوا زمن المثالية إنتهى
وبلاش تروح تانى عندها
حتى أخبارك موش راح توصلها
وتبقى في يوم منسى
آه يا رومانسي

أنا بقول الأمل لسة موجود
والحب عمره ما كان في يوم مفقود
ولا عمره في يوم كان منسى
آه يا رومانسي

أنت بتقول بلاش تتكلم
ومن الدنيا لازم تتعلم
وبنار الشوق عايزك تتألم

عشّان تبقي في يوم منسي

آه يا رومانسي

أنا بقول لازم نرجع تاني

للأيام الحلوة والرقص والأغاني

نرجع لزمن الحب لزمن الرومانسي

آه يا رومانسي

مالناش غنى عنه وما نقدرشى نهرب يوم منه

كل الناس بتحبه في الصبح ولما الدنيا تمسي

آه يا رومانسي آه يا رومانسي

* * *

حاولي

حاولي تفكري	حاولي مرة ثانية تفكري
حاولي تأخذي قرار	وتهربي من وسط النار
بس حاولي	حاولي
حاولي تفكري بعقلك	آنا بشوقي ح أوصلك
وفين ما تروحي	أنا راح أحصلك
حاولي تقربى	حاولي مرة تجربي
ولا تفكري في	يوم تهربي
وصدقيني موش	راح تندمي
بس حاولي	حاولي
حاولي تخرجي من	الأزمة
حياتك بالنسبة ليا	ليها لازمة
وخليكى مرة في حياتك	حازمة
بس حاولي	حاولي
حاولي تفكري	حاولي مرة ثانية تفكري
أنا ح أساعدك	بكل إمكانياتي
وح أو هبلك كل	حياتي

بس حاولي	بس حاولي
هاتى أيدك ويا أيدي	دمك بيجرى في وريدي
ويا لا نعدى ... لازم نعدى	أنا بظمنك
بس حاولي	بس حاولي
لبر الأمان لازم ح نوصل	والحب لازم يحصل
النهارة قبل بكره	ح يحصل
بس حاولي	بس حاولي
من غير دموع ولا أحزان	أنا بوعدك
لجنه الحب واللامان	أنا ح أسلمك
بس حاولي	بس حاولي

* * *

الكتاب

وأنا بكتب شايفك قدامى شايف ملاك أحلامى
وأنا بكتب

حسيت بيكى وقلبي راح ليكى
وشفت كل حاجة فى عينيكى

وأنا بكتب

القلم رقص بين ايديا ومن الفرحة نادى عليا
قول وأنا أكتب وأنا بكتب

قالى دق قلبك أغانى وحببتك كمان عجبانى
علشان كده أنا ح أكتب قول وأنا أكتب

قالى أنا ح أطفى النار وح أقول كل الأسرار
كل الأسرار وأنا بكتب

هو عايزك تعرفى عنى كل حاجة
وموش عايز يسيبلى أى حاجة

وأنا بكتب

وبيقولك كمان
انتى قلبه وروحه
وانتى الدوا لجروحه
وأنا عارف فين
فين ح تروحوا
وأنا بكتب
زي ما أكون فى نور
حوالين الجنة بدور
وقدامى بدر البدور
وأنا بكتب
قلمى وقلبى
بيتكلموا نيابة عنى
ويا خوفى فى يوم
تهربى منى
وأنا بكتب
أناراح أفضل مستنى
وح أكتب وأنا متهنى
ودايب فى التمنى
لأنك جزء منى

* * *

انسان جديد

من النهاردة انت	بقيت انسان جديد
حلمك الجميل خلاص	أتحقق و ح تكون سعيد
ومن النهاردة عيش كل	أيامك فى عيد
علشان أنت بقيت	انسان جديد
أيامك كلها خضرا	شمس وميه وخضرة
وفكر بس فى بكرة	وحن عليا حتى بنظرة
حتلاقينى جنبك	ايد ويا ايد
علشان أنت بقيت	إنسان جديد
ومن النهاردة أنت	بقيت إنسان جديد
من النهاردة أنا عايز	أعصابك هادية
صوتك تقول عصافير	وضحكك وردة نادية
ساعتها ح تسمعني حتى	لو من بعيد
علشان أنت بقيت	إنسان جديد
من النهاردة أنا عايزك	ترسم وتغنى
لوحة جميلة وغنوة	بتتكلم عنك وعن

والعالم كله بيحى ويهنى
لأنك حبيبي ودا شئ أكيد
علشان أنت بقيت
إنسان جديد
من النهاردة أنا
عايزك معايا فى مشوارى
تشاركنى فى كل حاجة
حتى فى أفكارى
وصدقنى دا موش قرارك
ولا حتى قرارى
ده نداء الحب العنيد
أنت بقيت إنسان جديد
علشان كده
ومن النهاردة أنت
بقيت إنسان جديد

* * *

أنا أسف

أنا أسف على كل جرح سببتو ليكي
وأنا أسف على الخصام ويا خوفى عليكي
وأنا أسف على كل حاجة عايزة تكرهني فيكي
أنا أسف

موش عايزك يوم تزعلنى ولا عايزك تحزننى
وموش عايزك تياسى وعننى تستغنى
وأنا أسف

أنا عايزك تتكلمى وعايزك تسلمى
وعايزك تحلمى وعايزك تسلمى
وأنا أسف

موش عايزك تبعدى عنى ولا عايزك تهربى منى
وموش عايزك تكرهيني وعن حبك تبعدينى
وأنا أسف

أنا عايز دايما أشوفك بتضحكى وسعيدة
والحب كله فى عينيكى غنوة وقصيدة

وعايز اسمع صوتك لو من مسافة بعيدة

وأنا آسف

أنا وأنتي قصة حب من نوعها فريدة

صورتى فى عينيكي أنتي وحيدة

وأنا آسف

حبنا لازم ينتصر والحواجز كلها تتكسر

ومهما كان القلوب بتتأسر

وأنا آسف

* * *

يوم عيد ميلادك

ح أقدملك كل شئ بخطر علي بالك
حتى لو ما جاش في يوم علي بالك
و ح أقدملك أغلي هدية
يفكر أي عاشق بيعتھاك
في يوم عيد ميلادك
عايز أشوف الفرحة في عينيكي
وعايز أشوف الجمال كله فيكي
وأشوف كمان الطرحة
بيضا عليكي
واللي تخليكي لأخر العمر
في عز شبابك
في يوم عيد ميلادك
كل سنة عن سنة
تزيدني حب وهنا
وتشوفي كل الخير
معيا أنا
وما تحلميش لأنك
حققتي كل أحلامك
في يوم عيد ميلادك

إسمك بقى نور ورسلك بدر البدور
فى الليل الحزين أنا بلف حوالهم وبدور
حتى أوصل لبابك

فى يوم عيد ميلادك
أجمل عيد هو عيدك زى ملكة وأنا أسيرك
بس أنتى تأمرى وأنا أنفذ بسرعة كلامك
فى يوم عيد ميلادك

* * *

موش عايزه

أنا موش عايزه جوابات ولا عايزه سلامات
أنا عايزه كل دقيقة مواعيد ورحلات
أنا موش عايزه أعيش في عذاب
أنا عايزه صحبة وأحباب نلعب كده بالتراب
أنا موش عايزه كلام ولا عايزه أعيش في أوهام
أنا عايزه أحقق كل الأحلام أعيش كمان في سلام
أنا موش عايزه
أنا موش عايزه فراق ولا عايزه دايما خناق
أنا عايزه يبقي بينا إتفاق يربطنا لآخر العمر الباقي
أنا موش عايزه
أنا موش عايزه سهر وكاس ولا عايزه زحمة وناس
أنا عايزه حب وإحساس وأشوفك أنت كل الناس
أنا موش عايزه في يوم آهرب ولا عايزه في يوم أجرب
أنا عايزه أنت اللي تقرب ولا يوم عنّي تتغرب

أنا موش عايزه

أنا موش عايزه ورقة وقلم أنا عايزاك في السما علم

وفارس علي حصان أبيض وأنا وياك نطلع فوق هرم

أنا موش عايزه أحس بألم ولا يوم أحس بندم

أنا عايز بيبقي فيه أمل ولا لحظة أحس بملل

موش عايزه - موش عايزه

* * *

الحب باين في عينيك

بتحاول تدارى عينيك لكن الحب باين في عينيك
حتى وكل الناس حواليك تصرفاتك بتدل عليك
قاعد لوحذك حزين وشايل هم سنين
مليانة جراح وآنين لكن عندك شوق وحنين
يكفيك

والحب باين في عينيك
بتحاول تداري الابتسامة لكن روحك لوحدها علامة
وهي السكة وهي السلامة
وتنادي عليك

الحب باين في عينيك
بتحاول تنسى الآهات وطول اليوم تعد الساعات
لكن بتهرب منك حاجات وحاجات لو تعدها
عني ما تغنيك
والحب باين في عينيك

نظرة واحدة بتكفيني وإبتسامة واحدة ترضيني
من اللهفة في يوم ح تجيني
وفي بحورك العالية ح تعديني
والحب باين في عينيك
قلبك مال ... خلاص مال لحبيبك وقال
أنا بحبه ... أنا بحبه على إيديك
والحب باين في عينيك
حتى في كل الظروف قلبك لسة بيشوف
معاني جميلة تخليك في وسط العالم معروف
ومالكش شريك
والحب باين في عينيك

* * *

أنا فنان

أنا موش ممكن أكون غير فنان لأن الإنسان أصله فنان
الفن نبع حنان بيصب في كل مكان
وفي أي آوان هو الرمز وهو العنوان
ما هو سر الإنسان

وأنا فنان

أنا موش ممكن أتصور نفسي أي حاجة غير أنني فنان
كل حرف وكل كلمة مني بتقول حب وخير وأمان
حتى السلام كمان غنوه حلوه وألحان

وأنا فنان

الجواب بيني وبينك موش كلمة وسطور
دا فن ورسم ولون سماء ونخل وبحور
وصوت كروان من بعيد بينادي علي عصفور

وأنا فنان

بالفن مشاعرنا تبقى واحدة حتى روحنا برضه واحدة
زي الصخور جامدة ولا يوم تطلب مساعده

وأنا فنان

لو كل الناس تكذب أن عمري ما كون كذاب
ولو كل الناس تغدر أنا فكره وكتاب
الصدق عندي والإحساس هو عنوان الفنان

وأنا فنان

لو كل العالم سكت أنا الوحيد بتكلم
ولو كل العالم فرح أنا الوحيد بتألم
ولو كل العالم تخاصم أنا الوحيد بيسلم

وأنا فنان

* * *

بنت العشرين

يا بنت العشرين يا أحلى من الورد والياسمين
أنا فين وإنتي فين
أنا كنت خالي وجيتي شغلتي بالي
وخليتي كل شئ في حياتي غالي

يا بنت العشرين

آه من لمسة إيديكي وآه من نظرة عينيك
روحي بترفرف حواليك
يا بنت العشرين
أنا ح أفضل مستني وده غصب عني
بس أنت أطلبي وأتمني حتلاقيني جنبك ومتهني

يا بنت العشرين

أحلي سنين في حياتك معايا بتلاقىها
وأحلي أيام في عمرك معايا ح تعيشها
بس قولى بحبك ... قولها

يا بنت العشرين

لسه الفرحة جايه والليلة الغالية
عليها وعليكي سارية

يا بنت العشرين

أنا وإنتي نئائي وأنا علشانك فدائي
يا بنت العشرين

* * *

أنتي كل شيء

أنتي كل شيء في حياتي	وأنتي أجمل صورة
أري فيها نفسي	وأري فيها خريطة حياتي
في يمينك أري الطفولة	وفي يسارك أري الشقاوة
وفي شعرك أري الشرق	وفي عينيك أري الغرب
أنتي الاتجاهات كلها	
أنتي الأحرف كلها	من الألف إلى الياء
وأنتي في أحلامي سماء	وفي يومي ماء
أنتي الألوان كلها	من الأصفر إلى الأحمر
الغيرة من كل شيء	ولا تقترب
لأثكي كل شيء	
أنتي في الصباح	إشراقه نور
وفي الليل	قمر مضيء يدور
وفي الصحراء	أنهار وبحور

أنتي معي في كل وقت
أنتي معي في ليالي الصيف وتحت المطر
ومعي في العمل وفي الراحة والسفر
أنتي معي في كل ثانية
عندما أتنفس أشعر برائحة عطرك
وعندما أشرب أشعر بريقك العذب
وعندما أجلس أشعر أنكى بجواري
وعندما أمشي أشعر بيدك في يدي
اثنان علي الطريق ومشوار يبتدي

* * *

تحت المطر

فيه ناس عايشه في دفا وناس تحت المطر
وناس عايشه بالحب والوفا وناس محرومه من القمر
فيه ناس في عز الحر تلاقى تحت المطر
وناس محرومه حتى من ضل الشجر
فيه أماكن كثيره تغرق من المطر
وفيه أماكن محرومه من نبع الحجر

تحت المطر

وفيه ناس بطبعها رقيقة وبتسهر
وناس محرومه توصل حتى للبندر

تحت المطر

فيه ناس ما بتعرفش إزاي الأيام بتمر
وناس أيامها تعدي زى سنين وأشهر

تحت المطر

هي دى الدنيا فيها الحلو وفيها المر
وفيها الأبيض وفيها الأسمر
وما يكسب فيها غير الأشر
تحت المطر

* * *

كفاية تمثيل

كل ما أشوفك وأسمع كلامك الجميل
وأشوف صورتك زى ملاك طويل
أقول لنفسى كفاية تمثيل
بحاول أصدقك لكن موش قادرة أوصلك
كل لحظة بحال وكل كلمة بموال
موش قادرة أفهمك وكفاية تمثيل
حتى لما بتوعدني بعد ساعات تخذلني
وبحس أنك بتخونني وأنتك بعيد عني
وكفاية تمثيل

كل إتصال بيني وبينك لبحور بعيدة بتودي
حتى الأيام بتطول وموش عايزه تعدي
وكفاية تمثيل

حتى لما يكون معاك في طريق يبقى سراب
حتى البستان الأخضر بشوفة خراب

والقصر الكبير ما لهوش أي باب

وكفايه تمثيل

أنا لما يكون في بيتك بشعر أني حبيتك

ولما بتكلم بحس أني لبعيد وديتك

وكفاية تمثيل

كفاية تمثيل

* * *

أسمريت

والله وأسمريت وكمان إحلويت
حتى دمك الخفيف ناداني وليك جيت
حتى النظرة في عينيك قصص وحواديت
والله وأسمريت

البحر باين عليك حتى الموج في عينيك
ونسمة جريئة وجزيرة وبيت
والله وأسمريت

خلاص بقيت أسمر وجميل وشعرك أسود وطويل
والسحر باين في عينيك نسمة هوا عليل
حتى صوتك ألحان وغني ومواويل
والله وأسمريت

زى الغزال لوحذك علي الشط ماشي
وفكرك أنه غيرك في الكون ما بقاشي
وإن حبيبك لسه ما جاشي

والله وأسمریت

الرمل تحتك دهب أصفر
وأنت تحت القمر قمر يأمر
وأنت أحلي وأجمل وأشطّر

والله وأسمریت

يا ریت تحبني زی ما بحبك يا ریت
وتمشي معایا علي البيت
وتعيش معایا عطلول لو حبیت
والله وأسمریت

* * *

سما وأرض

إننت عالى وأنا تحت زى السما والأرض
وزى لقا الطول بالعرض
أننت فوق زى نخل على شط
وزى طير بيطير من غير ميعاد ولا شرط
وأننت سما وأنا أرض
كل شىء عندك عليا فرض
وأننت عالى وأنا تحت
كل ما أنادى عليك ترد بالراحة
وكأنك عايش لوحدهك فى واحة
وأنا عارف أن دى مش صراحة
وأننت عالى وأنا تحت
حتى أيامك غير أيامى
وأحلامك مش جايه على أحلامى

والجرح كل يوم بيبقى خطير	الفرق بينى وبينك كبير
وأنا تحت	وأنت على
أو إيد تتمد ليا	زى عاشق بيستنى تحيه
وأفرح بيها الأيام الجايه	يمكن ترد الروح فيا
وأنا تحت	وأنت على
عليك	موش ح أقدر أصبر كثير
يوم فيك	ولا ح أقدر أترجى كل
عاش بيك	أنا ليه كرامة وقلب
وأنا تحت	وأنت على
سما ولا أرض	الحب ما فيهوش
لأن دمننا فى العروق	بالحب تزول الفروق
الروح فى جسد واحد	والنبض واحد حتى

* * *

أنا بحترمك

أنا بحترمك لشخصك	وأنا بحب إسمك
حتى صوتك	حتى رسمك
وأنا بحترمك	
مهما أقول موش	ح أقدر أعبر لك
ومهما أوصل موش	ح أقدر أوصلك
لأنك كبير	وأنا بحترمك
أنت في كل شئ	خطير
حتى في كلامك	صوتك حلو كثير
حتى سلامك	فيه إحساس كبير
وأنا بحترمك	
حتى نظرة عينيك	أنا فيها أسير
حتى الطله منك	زي بدر زي أمير
وأنا بحترمك	
في الصبح إنت	لوحدك تحيه
وفي المساء إنت	نجم غالب عليا
وحاجات كثير	لسه جايه

وأنا بحترمك
كل شوقي وحيي
موش بخاطري
روحي كمان بتناديك
وأنا بحترمك
الفرحة باينه في
عينيك
والأمل في بكرة
بين إيديك
وصورتي مرسومه
عليك
حتى روحي عايشه
فيك
وأنا بحترمك

بحب كل الناس

بحب كل الناس	وهمه موش بيحبوني
وبفهم كل الناس	وهمه موش عايزين يفهموني
حتى لما بتكلم	موش عايزين يسمعوني
وبحب كل الناس	
قلبي مليون إحساس	وبروح ليهم بحماس
حتى كلامهم ليا	علي العين والرأس
وبحب كل الناس	
ذنبي أني بقلبي حبتهم	ولا ذنبي أني في يوم جتهم
ومن غير ما فكر دخلت بيتهم	وبالسلام حييتهم
وبحب كل الناس	
موش كل ما أقول كلمة	تغيروها وتخلوها كلام
ولا كل ما أحلم	تخلوها قصص وأوهام
ولا كل يوم يعدي	تقولوا كانت أيام
وبحب كل الناس	

أنا موش ممكن أقدر أعيش بهذا الأسلوب
ولا ح أرضي أعيش علي أمري مغلوب
ولا أرضي أني أكون من الإرادة مسلوب
ويحب كل الناس
أنا عايز أكون بين الناس محبوب
ومن غير ما أتكلم يحسوا ولو بالقلوب
ولا يفكروا يوم يشوفوني بالمقلوب
ويحب كل الناس
حبوني زي ما يحبكوا وإفرحوا ليا بقلبكوا
حتى السلام والشوق خلوه يروح عندكوا
ويحب كل الناس

خاص

موش كل ما أقول خلاص تقولي دا خاص
خاص بيا وحدي وما تحاولش تبقي قناص

وخلص

أنا موش كده ولا طبعي زي دا ودا
أنا طيب القلب وبحب الخلاص

وخلص

أنا بحبك لله وعمري ما أقول الاله
ولا أندم يوم علي حبك الخاص
وأمرك علي العين والرأس

وخلص

كل حياتي ليك هدية يا أغلي من عينا
وبقولها بكل حماس أنتي ملكي الخاص

وخلص

أنا عايز أقولك
الشيء الخاص في حياتك
لأنه أنا وأنتي
أحلي ناس

وخلص

كل دقيقة بتعدي
والأيام الحلوة
لا بتتغير ولا
لأنها شئ خاص

موش ممكن ترجع خالص
زي الذهب خالص
بتتلون خالص
وخلص

خفي شويه

خفي شويه عليا	وخليني أشوفك بعينيا
بلاش تخلي بيا	وتنسي معني الحنيه
وخفي شويه عليا	
بلاش تقولي أي كلمة	بس خليني دايمًا علي القمة
في نظرك يا عينيا	وخفي شويه عليا
موش كل ما تشوفيني	بنظراتك تجرحيني
وكانك موش عايزه تلاقيني	ولا لحظة تفرحيني
ولو بتحبة	وخفي شويه عليا
ليه دايمًا عايزه تجرحيني	وبالماضي عايزه تفكريني
وكان حبي ليكي جريمة	رغم أنه حياة كريمة
وعيشة هنيه	وخفي شويه عليا
أنتي أغلى صديقة	وأنتي الميه والحديقة
وأنتي أحلامي وأيامي	كل ساعة ودقيقة
وثانية	وخفي شويه عليا

الروح طائره في العالي وأنتي اللي شاغله بالي
وأنتي كل شئ غالي وأنتي كل آمالي
الجايه وخفي شويه عليا
حبي ليكي بقي حقيقة من أول يوم وأول دقيقة
شفتك فيها يا أجمل بسمة رقيقة
في عينيا وخفي شويه عليا

بغير عليكى

بغير عليكى وبخاف عليكى
وبغير عليكى من نظرة عينيكى

ومن كل صحابك دايمًا حواليكى
موش عايزنى أبص عليكى

وبغير عليكى

بغير من النسمة لما تعدى عليكى
وبغير من الوردة الحلوة فى أيديكى

ومن كل همسة بتوصل ليكى

وبغير عليكى

بغير من كل بسمه بتفرح بيكى
ومن كل حاجة جوه عايشة فيكى

حتى اللبس الجميل اللي عليكى

وبغير عليكى

بغير من لون خدودك
وجمالك يتحدى جنونك

وموش عايز حد يتخطى حدودك
ولا يفكر يوم يخونك

وبغير عليكي

زي ما يكونوا حاسين	بشوق بيني وبينك
وزي ما يكونوا حاسين	بحب بيني وبينك
علشان بغير عليكي	وبغير عليكي
صدقيني هي دي الحقيقة	وبحسها كل دقيقة
من نظرة بريئة	أو كلمة رقيقة
بتنده عليكي	وبغير عليكي
أنا بحبك وح أفضل أحبك	من غير ما أقول
حتى لو مع طيفك	ح أعيش على طول
ومش مهم أني في يوم أنول	المهم أني قد القول
وروح فيكي	وبغير عليكي

انتحار

ليه بتحاولي تدفعيني على الانتحار
وليه بتقيدي في كل حته نار

بعد ما عبرت ليكي أعلي بحار
وعديت في أطول أنهار

وبعد ما زرعت ليكي ورد وأشجار
وعلمتك معني الانتصار

بتدفعيني على الانتحار

ليه موش عايزاني أعيش
حتى الحب بتقولي ما فيش
في كل دار

وليه بتدفعيني على الانتحار

ليه موش عايزاني أعيش
ولا يوم أفكر أهدى
زي الشطار
ليكي وأخذ وأدي
وأكون لك حلم وردي

وليه بتدفعيني علي الانتحار
حتى في عز النهار بحس أني عصفور وطار
وحتى في الليل الطويل بحس أني قمر وغار
حتى في الحلم ما فيش عنك أي أخبار
وليه بتدفعيني علي الانتحار
قد كده حياتي ما لهاش معني
وعمري موش عايزاه يستني
حتى كلامي اللي كان ليكي معني
وبيتي كان ليكي جنة

ودايما عمار
وليه بتدفعيني علي الانتحار
وليه موش عايزه ترضي بنصيبك
واللي صابني يصيبك
دا مكتوب علي جيبك أنه أنا برضه حبيبك
لآخر المشوار

* * *

حرام

حرام عليكى حرام
علشان فى يوم حبيتك
أعتبريني ضيف عزيز
وأسقينى شوية حنان
وحرام عليكى حرام
موش كل يوم تعذبى فىا
وأعد الساعات وأحلم
زي السراب يظهر ويمشى
وحرام عليكى حرام
ليه بتعاملينى زي إنسان غريب
رغم أنى عمري ما فرضت نفسى
وروحى دايما مرتبطة
حتى فى الأحلام
وحرام عليكى حرام

ليه كل ما قابلك أحس إنك مقلوبة
رغم أن الساعات في حياتك محسوبة
والأيام الحلوه عليا وعليكي مكتوبه
حتى السلام

وحرام عليكي حرام
أنا موش بطلب غير
وأنا ملتزم بكل
بس أنتي أطلبي
أوام
وحرام عليكي حرام

* * *

موش عارف مالي

موش عارف مالي فجأه كده تغير حالي
موش قادر أمسك أي خيوط زي كابوس أنا فيه أخطبوط
وموش عارف مالي
هموم كتيرة تهد جبال وأحزان تبكي أقوي رجال
وكلام كتير عايز يتقال وتصرفات غريبة في كل مجال
وحاجات موش علي البال
وموش عارف مالي
حتى وأنا في وسط الناس بحس أنني وحيد
ذي غزال سارح في الصحرا بعيد
موش عارف فين الطريق ولا عارف أي مواعيد
وموش عارف مالي
خايف حتى أتكلم خايف حتى أسلم
في النهار نومي فيه أكرم

حتي في الليل الجميل	بطلت أحلم
وموش عارف مالي	
كل ما أقول أقرب	ألاقيه مني بيهرب
حتى لما بكلمه	بحس أنه بيكذب
وموش عايز يجرب	ويخليني كده متغرب
وموش عارف مالي	
أنا موش ممكن أقبل	أكون زي صياد
ضاع منه سلاحه	ولا عالم ضاعت
منه فرحة نجاحه	أنا عايز أكون
عاشق بروحه	عايش أفراحه

لما بتضحك

لما بتضحك بتنور المكان وبتغير كمان الزمان
الليل يبقي نهار حتى الصحرا تبقي أنهار
والطيور كلها بتغني بشوق وحنان
لما بتضحك
بحس أنك فرحان ونسيت جرح زمان
وبحس أنك سعيد وعاش في أمان
لما بتضحك
بشوف في عينيك الحب حتى صوت دقات القلب
لما بتضحك
بحس أنك بتقول حاجات ليها معني
وكلام كله مغني بتتكلم عنا
لما بتضحك
زي ملاك جميل من السما حضر
وزي إنسان بيحب وقلبه في خطر

وزي ورد من زمان مشتاق للمطر
لما بتضحك
بحس بحاجات عجيبة وأمور بتحصل غريبة
وأنتك مني قريبة وأنتك أحلي حبيبة
لما بتضحك
بحس بأيام جديدة عليا بتتكتب
وساعات جميلة موش ممكن تتحسب
لما بتضحك
بحس بفرحة جوايا وكانك من زمان ويايا
وأنتك عايشه معايا وأنتك كل هنايا
لما بتضحك

روم الفريق

في كل مكان وفي أي طريق
وفي أي ضلعة أو بريق
إحنا لازم نعيش بروح الفريق
بأيدينا نطفي كل حريق
ونزرع تاريخ عريق
ونجدد أي شئ عتيق
بروح الفريق
موش كل واحد يقول
أنا
وكل شاطر برضه
يقول أنا
كلنا واحد تحت السما
في الشر وفي الهنا
بنكون فريق
بروح الفريق

إحنا لازم نعيش بروح الفريق
في الصحرا نزرع شجرة
وفي المصنع نبني فكرة

علشان تتفعنا بكرة ونحب بعض وما حدش يكرة

وإحنا لازم نعيش بروح الفريق

ح نقدر نبني ونعمر وفي الجبال نفجر

ترع وعيون ونشجر ومصانع كبيرة تصدر

وح نقدر كمان نفكر بروح الفريق

وإحنا لازم نعيش بروح الفريق

ونقول للعالم إحنا موجودين

حضارة آلاف السنين بيها مولودين

فن وتاريخ وعلم ودين

وإحنا لازم نعيش بروح الفريق

إحنا دولة متقدمة طول عمرها متعلمة

في الزراعة والصناعة إحنا في المقدمة

حتى في الحياة مسالمة علي طول الطريق

بروح الفريق

* * *

(٥٨)

سلام

أنا بقولك سلام ردي عليا السلام
موش بطلب منك صدقة ولا أي كلام
بس كلمة سلام
سلامك ليا بيرد الروح فيا
وبشوف الدنيا بترقص حواليا
حتى الفرحة بتبقى باينة عليا
سلام سلام
بالسلام تدوم المحبة وتزيد حبه ... حبه
وتبقى في نظري أحلى شابه
سلام سلام
بالسلام نقول أحلى أنغام
ونحلم أجمل أحلام ونعيش سعادة طول الأيام
سلام سلام

سلامك ليا طعم تاني بيحرك فيا حاجات كتير
حتى في الليل الطويل هو قمري الكبير
وهو الدوا لجروحي وكل شئ خطير
سلام سلام
أنا عايزك دايما تقوليها
حتى لما تكوني لوحدة تعيدها
ولما غنوة حلوة تسمعيها
فكري فيا وقوليها قوليها
سلام سلام

أناني

ما بتفكرش غير في نفسك
موش عايز حد ينافسك

وبتهرب من أهلك وناسك
لكن عمرك بعدد أنفاسك

يا أناني
عايز تمسح عنواني وتنسى مكاني
حتى اللحظات الحلوة وكل زماني
يا أناني

موش إنت بس اللي عايش في العالم
ولا إنت بس اللي بيحلم وفي البحور عايم
وعالي في السما هايم
يا أناني

موش أنت بس اللي ليك قلب
وإنك من دون العالم عرفت الحب
أنا برضة زيك بحب
يا أناني

حتى لما بتشرب ما بتفكرش في العطشان
ولا حتى تحن عليه بنظرة أو كلمة حنان
وتديله الأمان ما هو زيك إنسان
يا أناني

موش إنت بس في الطريق فيه ليك حبيب وصديق
الحياة كلها مشاركة غير كده مالهش معنى ولا بريق
أتعلم بقى تبقى زيبى ونعيش كلنا بروح الفريق
يا أناني

أنا موش ح أرضى بيبك صديق ولا حبيب
وراح تفضل طول عمرك كده في الدنيا غريب
حتى مكانك يبقى بعيد وزماتك عجيب
يا أناني

نهر الحب

قلبك نهر من الحب وأنا لك تابع
قلبك بيصب في قلبي ما هو الحب من قلبك نابع
صورتك في عيني شئ جميل ولا مع
وصوتك غنوة بروحي أنا سامع
وقلبك نهر من الحب ومدرسة للقلب
علمت قلبي الحب والشوق وما ليش ذنب
نهر الحب عدى على بلاد كثير وعدى
جه عندي وهذا من غير ميعاد وخذ معايا وأدى
أنا رجبت بيه وقد إيه فرحت بيه
وقلبك نهر من الحب
حتى الجنان أنا غرقت فيه كمان
وعرفت أخيراً فين بر الأمان
ولا يوم أبقى عطشان

من نهرك شربت للزمان

وقلبك نهر من الحب

قلبك نبع صافي ما يعرف يوم يجافي

طاهر زي الملايكة ليا ولغيري كافي

وقلبك نهر من الحب

قلبي من قلبك بيغير وعائز زي قلبك يصير

وأكثر من كده بكتير نبع حنان وخير

ويبقى في العالم كبير زي النهر كبير

وقلبك نهر من الحب

ليه الانتظار

كل ما أمشى في طريق
وأحس أنني وصلت آخر المشوار
ألاقي ضلّة وما فيش أنوار
وألاقي علامة انتظار

وليه الانتظار
طريقك صعب وصعب
بيوجع في القلب
لكن أنا ح أكمل
وليه الانتظار
وأحطم كل الأسوار

طريقك بعيد بعيد
زي عقلك عنيد
بيخلي قلبي بسرعة يقيد
وعنك يوم ما أحيد
وليه الانتظار

أنا موش ممكن أقبل
أكون في قائمة الانتظار
أنا إنسان وعندي أفكار
وقلب بيدق ليل ونهار
وليه الانتظار

أنا موش ممكن أحوش عيني من عيونك
ولا صوتي يغني ليك وقلبي كمان يصونك
ولا أقدر أصبر حتى على جنونك
وليه الانتظار
فكرك إنك أخطر الشطار
وما حدش يقدر يقرب لك يا غدار
بس أنا ح أعملك شهريار
وح أعدي حتى وسط النار
وليه الانتظار

الشوق

مشتاق لنظرة عينيك مشتاق لكل حاجة فيك
لجمالك وخفة دمك حتى زعلك ومشتاق ليك
مشتاق لكل همسة وكل لمسة من إيديك
شوقي ليك كبير قد العالم وما فيه
راح يوصلك عبر الأثير وليك بسرعة يطير
يوصلك سلامي وكلامي وحاجات كثير
أشواق ليك فرحة عمرها ما تكون جارحه
ح تعرفك الابتسامة وزلي الطيور سارحه
الشوق الشوق
شوقي ليك هدية زي وردة نديه
وأسرع من أي برقبة وفيها معاني بجديه
الشوق الشوق

شوقي ليك عناق زي كل العشاق
وأسوره جميلة وعقد زينه في الأعناق

الشوق الشوق

شوقي ليك إرتباط زي أي إثنين في رباط
إيد في إيد وفرحة في ليلة عيد
أنا ح أفضل مستني لغاية ما أنتي تقولي
أني كل حاجة ليكي وأني فرحة عمرك لما تنولي
الشوق الشوق

قلبي وقلبك

إسمح لقلبي ينادي على قلبك وإسمحله ينجي قلبك
وأنا جنبك أو حتى بعيد عن دربك
وقلبي وقلبك

قلبي وقلبك شغالين حتى وإحنا نايمين
زي الساعة بالثانية على الدق دايمين
ومع بعض متفاهمين

قلبي وقلبك
قلبي يقول لقلبك أنا ح أسهرك سنين
وح أفرحك حتى في الليل الحزين
وأمسح كل دمع وأداوي الأتئين
بس قول أمين

قلبي وقلبك
قلبي يقول لقلبك أنا ح أعلمك الحب من جديد
والنبض عندك يزيد زبي وتبقى سعيد

وكل أيامك في عيد

قلبي وقلبك

قلبي يقول لقلبك

إنت ح تقدر تقوم

يوم ورا يوم

ح تعرف كمان العوم وفي السما فراش يحوم

قلبي وقلبك

قلبك يرد على قلبي

أنا خلاص معاك

وموش ح أقدر لحظة

أستناك

بس إنت هات صاحبك

وياك

قلبي وقلبك

أنا متوترة

من يوم ما شففته وأنا متوترة
وبقيت في أموري متحيرة
موش عارفة مالي موش متحرره

وأنا متوترة

بقيت أصحى أعد الساعات
وأدور على أي حاجات
وموش عارفة عدد السنوات

وأنا متوترة

بستني منه سلام بستني منه أي كلام
ياريت يرد عليا علشان أعرف أنا
وما يسبينش كده للأحلام

وأنا متوترة

بسهل الليل
مع طيف حبيبي
وأنا خافه
وأنا موش شافه
موش عارفه
وكل دا ليه

وأنا متوترة
أنا خلاص حبيته
وأتمنى أكون في بيته
وألبي كل حاجاته
حتى لو متكرره

وأنا متوترة
قلبي عليه وهو غايب
وشايفاه وهو دايب
خافه عليه من الهوا
كأننا من زمان قرايب
وأنا بيه متأثرة

حالة حب

رحت للطبيب أشكي له حالي بص فيا وقال
الضغط عندك عالي وإنك عمرك ما كنت خالي
قلبك دقاته مدافع وعقلك أصبح بالي
لأنك في حالة حب

وأبتديت أحكي للطبيب كل ما يوجع الحبيب
قولتله أنا بسهر لوحدي وما فيش حد عندي
غير القمر والنجوم هي نوري وحدي
ولا أفكر يوم أنام غير لما تمدي أيديك
ليا تمدي

وحكيت له عن القلب اللي عايش في حالة حب
إحساس وشوق بيحرك جبال الألب
ودم بيجري أنهار وعيون حب
وأنا في حالة حب

أعصابي بقت مشدودة وأنفاسي معدودة
والأيام الحلوة بقت في حياتي محدودة
وأنا في حالة حب

الناس في عيوني ملايكة وإحساس
والأرض شايفها ذهب وماس
حتى الشجر بأوراقه زي شهد في كاس
وأنا في حالة حب

كأني في جنة أنا وهي والورد بكل ألوانه حواليا
وريحة مسك وعنبر وحاجات كتيره غاليه
وفراش ألوانه زاهيه وطيير في السما عاليه
وأنا في حالة حب

* * *

واخذ على خاطرک

واخذ على خاطرک مني
فکرت أنا موش حاسس بیک
وأنا لازم أرضیک لازم أرضیک
ولازم أروحک فین ما تكون أرضیک
واخذ على خاطرک مني
واخذ على خاطرک مني ولیک حق
حیاتی کلها ماشیة بالزق
وقلبي فی حبک خلاص دق
وشوقي ناحیتک خلاص رق
واخذ على خاطرک مني لیه
هو أنا کنت عملت لک إیه
والحب خلاص أتکتب علیا وعلیه
وحبه ح یجنني

واخذ على خاطرك مني
فكرك أنا سعيد
وإنت بعيد عني
حتى صوتك موش
عايزه يوم يوصلني
ولا حتى الطيور
عايزها في الصبح تغني
واخذ على خاطرك مني
أنا موش ممكن أصبر
على زعلك
أنا غصب عني في
يوم ح أرجعك
وأقدمك شوقي
بسرعة يوصلك
نيابة عني
واخذ على خاطرك مني
أنا عايزك تسامحني
وكل يوم تسعدني
حتى في الصباح لما تستقبلني لحن جميل سمعني
وموش حسبيك يوم
تهرب مني
واخذ على خاطرك مني

أنا فقير

موش عيب أني أكون فقير

وفي الدنيا على درجة غفير

قسمتي أكون فقير لكن قلبي كبير

ومليان حب وخير وحاجات كتير

وأنا فقير

أنا صحيح فقير لكن عندي تفكير

وممكن أصنع حاجات بسرعة البرق تطير

وأنا فقير

أنا إنسان بسيط بعيش يومي من غير تخطيط

والأيام بحلوها ومرها بتسير

وأنا فقير

أنا حبيبتك وخلاص يا عبير

ومش ح أقدر في يوم أكون أمير

وأنا فقير

أنا فقير في حاجات لكن غنى بالذات
غنى بحب الناس والقلب الصادق والإحساس

وأنا فقير

الجنة مكتوبة للفقير ليا أنا وإنتي يا عبير
لو تقبليني أنا أكون بين أيديكي أسير

وأنا فقير

وأكون في السما طير من كثر الفرحة أطيّر
بعد حرمان كثير وأنا عليكى بغير

وأنا فقير

إنتي خايفه ليه

إنتي خايفه ليه إنتي خايفه من إيه
قولي كل اللي عندك وإياكي تخبي حاجة عليه
وإنتي خايفه ليه
عمر الصراحة ماتزعل حبيب من حبيب
ولا تفرق بين قلبين وروحين في الغيب
وإنتي خايفه ليه
مهما كان موضوعك بيكوي النار في ضلوعك
قوليه لحبيبك لأنه هو الدوا والطبيب
وإنتي خايفه ليه
الدموع في عينيكي شئ موش عادى
والندم باين عليكى حتى في الجو الهادي
وإنتي خايفة ليه
ساعتها هتحسي بالفرق وح تتغيري بسرعة البرق
وح تشوفي الدنيا حلوة والنور يزفك بغنوة

إنّتي خايفه ليه

حبيبك حالف يوم ماينساكي

وكل يوم يعدى لازم يلقاكي

حتى في حلمك هو وياكي

وإنّتي خايفه ليه

حاولي تقربي منه وأحكي لكل أصحابك عنه

إتكلمي وقولي أنه كل حاجة ليكي لانه

حبيبك وماتقدريش تستغني يوم عنه

وإنّتي خايفه ليه

بالحب والسلام

وبدين الإسلام	بالحب والسلام
عليها السلام	بحلفك تردى
ليا أوام	وتمدى أيدك
رافعين أحدى أعلام	بالحب والسلام
وأسمك على الدوام	فى كل مكان أسمى
وبدين الإسلام	وبحلفك بالحب والسلام
وبعديها ندور على الأحلام	ح نخلص كل الكلام
من غير ما نحس بأي آلام	وبكده الأيام ح تعدى
وبدين الإسلام	بحلفك بالحب والسلام
زى جوز حمام	يربطنا مع بعض
حوالينا زمام	وغصن زيتون

وما تفكر يش فى بكرة ذا حلم جميل وفكره
ولا ملكي ولا ملكك وما حدش يكره
وبحلفك بالحب والسلام وبدين الإسلام
بالسلام ما فيش مستحيل ولا صعب
والكلام يبقى من القلب للقلب
والخير يعم علينا على طول الدرب
 بالحب والسلام

دستی علی قلبی

دستی علی قلبی لیه تدوسیه
قلبی قاید نار عینی شعله شرار
وعرفت طعم المرار
بس روحی لسه فیه لیه تدوسیه
دستی علی قلبی جامد أنا فی حبك لسه صامد
وأتمنى أعیش حوالیه لیه تدوسیه
دستی علی قلبی بالمره ما قدرشی أعیش لحظه بره
وأنا خایف علیه لیه تدوسیه
دستی علی قلبی کثیر دستی علیه من غیر تفکیر
ولا يوم أقدر أصبر علیه لیه تدوسیه
حتى الجرح موش عایزه تداویه
ولا الدمع فی عیونی بتمسحیه
حتى الغالی عندك عنی بتخبیه
لیه تدوسیه

علمتني معنى الألم والآه مع الحزن بترددية

ليه تدوسيه

قلبي مال ليكي خلاص ليه بتحاولي منه الخلاص

ليه تدوسيه

عائزه منه إيه سببيه في حاله

بلاش تغيري أفراحه وتغيري أحواله

خليه يعيش يمكن مرة يحقق آماله

ليه تدوسيه ودستي على قلبي

طيفك

طيفك مر عليا مره
غير في كل حاجة كده بالمره
طيفك جه هز كياني
وصحا فيا جروحي وأحزاني
وخلاتي أحب من تاني
أبعد طيفك عني
لأمتي ح أفضل مستني
أنا عايز أرقص وأغني
وعايز أحلم وأتمني
طيفك دا خايلني
موش عايزه عنك يبعدني
وكل يوم ليك يقربني
لأبعت مع طيفك جواب
وأحكي وأتكلم من غير حساب
اللي بينا أكثر من أي أحباب
طيفك

طيفك فى يوم
ليك ولو غبت
ح يوصلنى
عنك يحصلنى

وطيفك

طيفك بقى أجمل
بيعدى عليا وبنسى
شئ فى حياتى
نفسى وآهاتى
وبينور عينيا
وطيفك أحلام ورديه
ويفرحة وهديه
وميه ومراكب معديه
ونسمة جايه مهديه
وطيفك أسرنى
وعلى الحب آمرنى
ومن غير ما أحس لقيت
نفسى متهنى
وتمنيت الأيام تعدى
بتانى
وطيفك دا بيعلمنى
حقيقى علمنى

وطيفك

صدقني

موش ح تقدر تغير الكون
ولا ح تقدر تغير الناس
الناس هي الناس في كل زمان ومكان
نفس القلوب ونفس العيون
الناس موش راح تتغير
لكن إنت اللي لازم تتغير
وصدقني

أنا بمد ليك يد العون
ودي فرصتك للخروج من السكون
لأني بحبك لآني بحبك
وصدقني موش ح تقدر تغير الكون
أنا واثق أنك ح تجيني
لأنك عمرك ما كنت غدار
ولا بتخبي عني أي أسرار
وبتؤمن كمان بالأقدار

ساعتها ح تلاقيني يا نور عيني
معاك لأخر المشوار لأخر المشوار

وصدقتني

أنا قلبي صادق في إحساسه
ويحب العالم كله وناسه
وحبي كله أنت أساسه

وصدقتني

أنا بحبك بكل إخلاص أنا حبيبك وخلاص
بس إنت حاول تبقي زبي وخلاص

وصدقتني

ساحر

ساحر قلبي بنظرة عينيك
يا ساحر عقلي بلمسة إيديك
أنا عايز أهنيك وكل عمري أهديك
وبروحي كمان أفديك
وموش عارف إزاي أرضيك

يا ساحر
كل يوم بتلوعني وبنار الشوق بتولعني
إنت في الحب شاطر وإنت على قلبي قادر

يا ساحر
قولي كلمة تحييني واعدني مرة تلاقيني
ولا بلمسة تزود حنيني ليك يا ساحرني

يا ساحر
إنت في الوجود ما لكشي مثيل ونادر
خطفت قلبي بسرعة وبقيت موش قادر
لأنك في الحب شاطر وأنت على قلبي قادر

يا ساحر
كل مرة بقول لنفسي
السحر موش موجود
لكن تعلقت بيبك
وعليك بقيت مسنود
وما بقاش في أيامي
ومكاني أي حدود

يا ساحر
في حبك أنا بقيت أسير
حتى لما يكون على الطريق بسير
بحس أنك ملك وأنا عندك أمير

يا ساحر
أنت كبير وقبلك كمان كبير
علشان كده أنا بحبك كثير
وروحي بسرعة ليك بتطير

يا ساحر
* * *
(٩٠)

كلمة

موش طالب منك غنوة طالب منك كلمة
كلمة واحدة ح تقوليها قلبي ح يدق عليها
وروحى كمان فيها
أنا موش طالب منك غير كلمة
أنا عايز لما نكون أنا وإنتي في لمة
تعرفيني وتكلميني وتردي عليا لما
أنادي عليكى
موش كل ما أسلم عليكى تهربي
ولغاية دلوقتى موش عارفة تعبري
ولا قادرة حتى تقرري دي كلمة
وموش طالب منك غير كلمة
أنا لازم أسمعها منك وتبعدي الخوف عنك
لإتك سابقة سنك حتى أصحابك كلهم عندك

أنا موش طالب منك غير كلمة
حتى كلامك العادي حلو وجميل
وقمر في ليل طويل وصوتك فيه غني ومواويل
ونسمة هوا عليل
وموش طالب منك غير كلمة
كلمتك دي عندي غالية ونجمة في السماء عالية
بيها ح تعدي أيامي وسنيني الجاية
كلمة من حرفين تنتقال بين إثنين
بتداوي القلب والعين وبتجمع بسرعة روحين

سور عالی

سور عالی	بینی و بینک
عامل حاجز	بینی و بینک
بمد یدی	تلمس یدیك
وموش طایل	حتى طیفك
سور عالی	بینی و بینک
كل ما أقرب أحس	أنتك منى بتهرب
وكان كل شيء	بینا بیخرب
سور عالی	بینی و بینک
كل ما أخلص	وأوصل مسافة
أحس بمسافات جديدة	ودروب لافه
أحس بمشاعرك	نحوى جافة
سور عالی	بینی و بینک
عامل حاجز	بینی و بینک
حتى لما بقف	على بابك
بحس أنى غريب	ومن زمان سابك

وأني خائف عليك وخائف على شبابك
سور عالى بينى وبينك
مش كل مرة تطلب منى المستحيل
وتقول إبعد وبلاش تميل
المستحيل هو نهاية مشوارك الطويل
والنهار بييجى بعد ما يمشى الليل
سور عالى بينى وبينك
عامل حاجز بينى وبينك

لسه صاحی

أنت لسه صاحی جای تزود جراحی
وعایز تسرق منی أفراحی وتلغی کل معنی لنجاحی
وإنت لسه صاحی
جای تغیر لون الورد وطعمه علی الخد
وتدینی أمل علی القد قال واخذ الحياه جد
وإنت لسه صاحی
جای تغیر حیاتی وتزود فی آهاتی
وعایز تسهرنی لیلاتی وتضیع منی ابتساماتی
وإنت لسه صاحی
إنت لازم تغیر من أسلوبک وتداری کل عیوبک
وإنت لازم تتغیر ویلاش تبقی متحیر
وإنت لسه صاحی

على الأقل لما أشوفك
ح تنور الكون ليا
وأنا موش ح أنساك
إبتسم ليا لو مره
وللعالم كله بالمره
كده بالمره

وإنت لسه صاحى

كل ليلة بتسهرنى للصيح وموش عايز تبعد عنى
حتى لما بتبعد بحس أنك قريب منى

وإنتك لسه صاحى

نفسى تفهمنى وزى ما بكلمك تكلمنى
وبلاش بنظراتك تجرحنى ومن حبك تحرمنى

وخليك دايما صاحى

أنا عايزك تهذا وتنام
بس قلبك بفضل صاحى
ولييك ورد وأحلام

وإنت لسه صاحى

إفراح

إفراح يا خويا الليلة	أفراحنا كثيره الليلة
إفراح يا خويا الليلة	أفراحنا حلوه الليلة
إفراح يا خويا كمان	وأنسى كل الأحزان
إفراح بحياتك	ووريني ابتساماتك
خلي الفرحة ضحكاتك	وخلي البسمه هي شبابك
إفراح يا خويا الليلة	أفراحنا كثيره الليلة
خلي الأيام تعدي	بحلوها ومرها ح تعدي
وإذا رماك الهوى	إياك في يوم تهدي
إفراح يا خويا كمان	وأنسى كل الأحزان
إفراح الليلة بالذات	وأنس كل اللي فات
خلي حياتك كلها سلامات	بس سلامات
إفراح يا خويا الليلة	أفراحنا حلوه الليلة
خلي الحلو يبقي	مكان المر
وسيب الأيام تمر	أنت مهما كان حر

إفرح يا خويا الليلة أفراحنا حلوه الليلة
خلي حبيبك هو حياتك

من غير ما تقول هو باقي حياتك
من الليلة إنت وهو بقيتو عيله
وما حدش في الدنيا قدكو الليلة
إفرح يا خويا الليلة أفراحنا حلوة الليلة
الليلة أنا شايف إثنين ملايكه
نور وزينة حتى الناس ملايكه
وإفرح يا خويا الليلة أفراحنا كتيرة الليلة

عائز أبعثك جواب
من غير ما تقر به
عائز أسلم عليك
وقلبي والله عليك
وأنتي لوحدك أسطوره
قلبي حبك كثير
ومن النسمة بغير
في الأسطوره
وأنتي لوحدك أسطوره

بس عائزك تردي عليا
أنتي عارفة بتقول إيه عينيا
وإيدك تبقي بين أيديا
يا أغلي وأعز هديه
وشوقي ليكي كبير
عليكي وأنا أسير

جمهورية

بعد ملكيه وبعد زل كثير وعبودية
وبعد استعمار يغيظ فيك وفيها
بلدي عرفت معنى الحرية وبقت جمهورية
جمهورية جمهورية
بعد إقطاع .. باع كل شئ باع
وبعد الحرمان والأسية
رجعت تاتي المعاني الجميلة والحنية
وبقت كل حاجة في بلدي مصرية
بلدي في وقت الحرب قوة دفاعية
وفي وقت السلم بيعزف أحلي سيمفونية
وجمهورية جمهورية
إصلاح في كل مجال وبقت قدوه عالمية
ما فيش عندها محال وكل يوم مشاريع قومية

من الشمال للجنوب ومن الشرق
للغرب داخل الجمهورية

وجمهورية .. جمهورية

أبائنا كافحوا كتير علشاننا وعدوا النار والميه
وقدموا روحهم فدا لمصر أغلي هدية
وتعيش الجمهورية

جمهورية ... جمهورية

أحنا ولاد النهاردة بنعمل بهمة وبجدية
في المصنع وفي الصحرا
بنزرع ومراكب معدية

وكل ساعة ودقيقة عمل

وفي كل مكان أفواج سياحية

جمهورية ... جمهورية

لسه الفرحة جايه والخير بعد شويه
نجنيه بإيدنا الغالية ونقدملك أحلي تحية

وسلام جمهورية

* * *

(١٠٢)

مستكثر عليا الفرحة
وعايز تشوف الدمع في عينيا
ومستكثر عليا النعمة
وعايز تاخذ كل حاجة من ايديا
ليه عايز تحرمني من السعادة
خليها عليك بزيادة
وعايز تشوفني دايم حزين وهموم زايدة
ومستكثر عليا
ليه كل ما شوفك تتكبر عليا
وتكلمني من فوق وتزود النار فيا
موش عايز ترحمني ولو شويه
ومستكثر عليا
فكرك ما فيش غيرك في الدنيا أخطر
وقلبي ممكن يحبه أكثر منك .. أكثر

قلبي زي ما مال ليك ممكن لغيرك يميل
وبسرعة يحبه بعد غدرك يا جميل
وح تعدى الأيام بعد ليل طويل

ومستكثر عليا

أنا موش عايز أخسرك ولا أخسر نفسي
ولا عايز الفراق يبقى لغة بينا .. نفسي
حاول تصلح من نفسك وتفتح نفسي

ومستكثر عليا

أنا ح أنسى علشانك كل اللي فات
بس إنت تتغير وتعدى الأزمات
وتحسن أسلوبك معايا وما تجيش عليا

ومستكثر عليا

الحب عمره ما كان آسيه ولا كان آزيه
الحب طول عمره تواضع وتضحية
وإحترام متبادل وشوق وحنية

ومستكثر عليا

* * *

الفهرس

٥	الحلم المصري
٧	إنقى الملكة
٩	رومانسي
١١	حاوي
١٣	الكتاب
١٥	إنسان جديد
١٧	أنا آسف
١٩	يوم عيد ميلادك
٢١	موش عايزه
٢٣	الحب باين في عينيك
٢٥	أنا فنان
٢٧	بنت العشرين
٢٩	أنت كل شئ
٣١	تحت المطر
٣٣	كفاية تمثيل
٣٥	أسمريت
٣٧	سما وأرض

٣٩	أنا بخير منك
٤١	بجب كل الناس
٤٣	خاص
٤٥	خفي شوية
٤٧	بغير عليك
٤٩	انتحار
٥١	حرام
٥٣	موش عارف مالي
٥٥	لما بتضحك
٥٧	روح الفريق
٥٩	سلام
٦١	أنا بي
٦٣	فهر الحب
٦٥	ليه الانتظار
٦٧	الشوق
٦٩	قلبي وقلبك
٧١	أنا متوترة

٧٣	حالة حب
٧٥	واخذ على خاطري
٧٧	أنا فقير
٧٩	إنت خايفه ليه
٨١	بالحب والسلام
٨٣	دستي على قلبي
٨٥	طيفك
٨٧	صدقني
٨٩	ساحر
٩١	كلمة
٩٣	سور عالي
٩٥	لسه صاحي
٩٧	إفرح
٩٩	أسطورة
١٠١	جمهورية
١٠٣	مستكتر عليا

صدر للشاعر

كلمات رقيقة

كلمات حاملة

رقم الإيداع بدار الكتب

٩٩/ ١٤٨٣٢

تصميم وإخراج

نادي أصدقاء الكمبيوتر بالعريش

٣٥١٤٧٥ :☎